



REPUBLIKA E SHQIPËRISË
KËSHILLI I MINISTRAVE
KOMITETI KOMBËTAR I DIGAVE TË MËDHA

KKDM/Nr. 63 Prot
Lutemi referoni këtë numër në përgjigje

Tiranë, më 25/04/2023

VENDIM

Nr.13, date 25 /04/2023

PËR

**RAPORTIN VJETOR PËR VITIN 2022 TË SHFRYTËZIMIT, OPERIMIT,
MIRËMBAJTJES, MONITORIMIT DHE SIGURISË SË DIGAVE TË MBZHR**

Në mbështetje të Ligjit Nr. 8681, datë 02.11.2000 "Për Projektimin, Ndertimin, Shfrytëzimin dhe Mirembajtjen e Digave dhe Dambave" dhe VKM Nr. 147, datë 18.03.2004 "Miratimin e Rregullores për Sigurinë e Digave dhe të Dambave", Komiteti Kombëtar i Digave të Mëdha (KKDM) në mbledhjen e datës 25.04.2023 mori në shqyrtim Raportin vjetor për vitin 2022 në lidhje me shfrytëzimin, operimin, monitorimin dhe sigurinë e digave të mëdha që administrohen nga Ministria e Bujqësisë dhe Zhvillimit Rural (MBZHR).

Nga shqyrtimi i Raportit vërehet se për të gjithë digat e mëdha të administruara nga MBZHR **nuk janë përgatitur planet e gadishmërisë në rastet e emergjencave civile**, nuk janë paraqitur të dhëna në lidhje me monitorimin e integruar të tyre në vijueshmëri, **nuk ka asnjë matje të volumeve aktuale të ujit** në rezervuarët e krijuar prej tyre, **nuk ka asnjë sistem alarmi të instaluar në këto diga**, nuk ka asnjë vlerësim të aseteve të digave dhe elementeve të tyre apo rregjistr të këtyre pasurive të paluajtshme. Mirëmbajtja e këtyre digave ka mjaft probleme të cilat po sjellin përkeqësimin e gjëndjes së tyre. Një nga digat (Diga e Bllaces) ka vite që është jashtë funksionit. Në shumicën e digave të mëdha, mungojnë masat për sigurinë fizike të tyre dhe elementëve kryesorë të tyre. Sipas ekspertëve të MBZHR, në këto diga nuk ka personel apo ndërtesa për ruajtjen fizike të tyre ashtu sic kërkohet nga legjisilacioni në fuqi.

Bazuar në Raportin e paraqitur na rezulton se në përgjithësi të gjitha 9 digat që janë nën administrimin e bordeve të MBZHR nuk mirëmbahen dhe nuk monitorohen sipas kërkesave të legjisilacionit në fuqi. Në shumicën e digave të mëdha nuk kryhen punimet e mirëmbajtjes si pastrimi nga pemët i skarpateve të digave apo riparimet e vogla të kërkuara për elementet kryesore të tyre. Megjithë udhëzimet e dhëna nga KKDM dhe kërkesat e legjisilacionit, nuk është paraqitur për shqyrtim dhe miratim asnjë rregullore për shfrytëzimin, monitorimin dhe sigurinë e digave në përputhje me kërkesat ligjore dhe teknike të dhëna nga KKDM. Pas diskutimeve të të gjithë antarëve të pranishëm, KKDM

VENDOSI:

- I- Ti kërkohet Ministrisë së Bujqësisë dhe Zhvillimit Rural si shfrytëzuese e digave të mëdha që administrohen prej saj:
 - Të marrë masat për mirëmbajtjen dhe monitorimin e digave të mëdha përmes sistemeve të monitorimit të kërkuara në nenet 32 dhe 33 të VKM përkatëse të dhënë me sipër dhe udhëzimeve të KKDM për pastrimin e të dy anëve të digave. Në kuadër të këtyre masave duhe të kihet paraysh instalimi i sistemeve të monitorimit të digave në kohe reale dhe online si dhe krijimi i bazës së të dhënave të monitorimit të digave dhe rezervuareve të krijuar prej tyre;



REPUBLIKA E SHQIPËRISË
KËSHILLI I MINISTRAVE
KOMITETI KOMBËTAR I DIGAVE TË MËDHA

- Të kryejnë matjet e volumeve aktuale të ujit në cdo rezervuar, vlerësimin e sedimenteve të grumbulluara në to dhe të hartojnë kurbat e reja të volumeve dhe të sipërfaqeve të ujit për rezervuarët deri në nivelin maksimal të ujit të parashikuar në projekt sipas kërkesave të nenit 30 të VKM së mësipërme;
- Të përgatit planet e gadishmerisë në rastet e emergjencave civile për shkak të prishjes së mundshme të digës apo prurjeve maksimale që mund të vijnë në rezervuar. Këto plane duhet të jenë të shoqëruar me hartat e përmbajtjeve sipas kërkesave të nenit 35 të VKM-së së mësipërme.
- Të përgatit dhe të dorëzoj pranë KKDM një informacion në lidhje me vlerësimin e aseteve të digave dhe elementeve kryesorë të tyre sipas udhëzimeve të KKDM
- Të marrë masat e duhura për sigurinë fizike të 7 digave dhe elementeve kryesorë të tyre si objekte të rëndësishme së vecantë përmes vëndosjes së ndërtesave të shërbimit, ndricimit të objektit dhe organizimit të shërbimit të ruajtjes së tyre fizike.
- Të hartojnë Rregulloret e shfrytëzimit, monitorimit dhe sigurisë së digave sipas kërkesave të nenit 29 të VKM së mësipërme.

Ngarkohet Sekretariati Kombëtar i Digave të mëdha (SKDM) si zyrë ekzekutive e KKDM për ndjekjen dhe zbatimin e masave të kërkuara në këtë Vendim sipas legjislacionin në fuqi. Ky Vendim hyn në fuqi menjëherë.

KOMITETI KOMBËTAR I DIGAVE TË MËDHA

KRYETARI

Arjan JOVANI

